

Jahannam aur Jahannamiyo Ka Bayan

(Mishkat Sharif ki Rivayat ka khulasa he.)

Bismillahirrahmanirrahim



***Tirmezi, Raavi Hazrat Abdullah Bin Abbas Rd.|**

Rasulullah sallallahu alaihi wa sallam ne surah aale imran 3/102 ki tilavat farmayi-
tarjuma- Tum Allah taala (ke azaab) se
daro jaisa ki usse darne ka hak he, aur tum
par jab maut aaye to tum musalman hi
marna.

To Aap sallallahu alaihi wa sallam ne
farmaya-

Agar jahannam ke thohar darakht (ye
bahut hi kadva aur kaantedar ped honga)
ke paani ka ek katra bhi duniya me gir pade
to tamam zamin valo ki gujare aur khane

pine ki chize kharab ho jaye, to fir us adami ka kya hal honga jiski khurak hi ye bahut hi kadva aur kaantedar ped honga.

***Tirmezi, Abu Daoood, Nasai, Raavi Hazrat Abu Hurairah Rd.|**

Rasulullah sallallahu alaihi wa sallam ne farmaya-

Jab Allah taala ne jannat ko paida kiya to Jibrail (Al) se farmaya javo jara jannat ko dekho. Chunanche vo gaye, unhone jannat ko aur un chizo ko gaur se dekha jo Allah taala ne jannat valo ke liye taiyar ki he.

Fir Jibrail (al) vapas aaye aur bataya Ae mere Rab! Aap ki izzat ki kasam, jannat ke baare me jo adami bhi sunega vo usme dakhil hone ki ichchha karenga. Fir Allah taala ne jannat ko sharaai pabandiyo se dhaap diya. Aur farmaya Ae Jibrail! Jao, jannat ko dobara dekho. Chunanche vo gaye, unhone jannat ka dobara jayza liya

fir vapas aaye aur bataya Ae mere Rab!
Aap ki izzat ki kasam, mujhe shak aur darr
he ki jannat me koyi adami bhi dakhil na
ho sakenga.

Issi tarah jab Allah taala ne dozakh ko
paida kiya to Allah taala ne Jibrail (Al) se
farmaya jao, dozakh ko dekho.
Chunanche vo gaye unhone dozakh ko
dekha fir vapas aaye aur bataya Ae mere
Rab! Dozakh ke baare me jo adami bhi
sunega vo usme dakhil hone se
ghabrayenga. Fir Allah taala ne dozakh ko
ichchhao aur lazzto ke saath dhaap diya.
Fir farmaya Ae Jibrail! Javo dozakh ko
dobra dekho. Chunanche vo gaye,
uhone dozakh ko dekha fir vapas aaye aur
bataya Ae mere Rab! Aap ki izzat ki kasam,
mujhe dar he ki usme sab hi dakhil honge.

Maulana Muhammad Imran Kasmi Bijnavi.
Hindi Kitab Ek Hazar Muntakhab Hadeese
Mishkat Sharif se lipyantaran kiya he.